

Foi Noticia...

Éxito de participación en todas as actividades de Entroido



Certame de traballos sobre o camiño inglés

O concello de Oros, a través da súa Concellería de Turismo, convocou a terceira edición do seu Certame de Traballos de Investigación do Camiño Inglés.

Ábrese así o prazo para presentar traballos ata o día 8 de abril, que deberán versar sobre calquera materia referida a dita ruta xacobea. "Non só de historia, senón que este é un certame aberto a biólogos, farmacéuticos, filólogos ou expertos en turismo", asegura Antonio Leira, concelleiro de Turismo de Oros. O terceiro certame ten tres categorías: investigación pura, diarios de peregrinos e traballos de calquera tipo feitos por menores de 18 anos.



Troi

Boletín informativo mensual Concello de Oros

Marzo 2018



Oros ten un orzamento de 6,9 millóns e destina o 28% a novos investimentos

O Concello de Oros aprobou nun pleno extraordinario un orzamento municipal para o ano 2018 de 6.867.713 euros, dos que destinará o 28% a novos investimentos (1.923.189 euros).

O alcalde de Oros, Manuel Mirás, destacou tamén na sesión plenaria "o incremento do gasto en servizos sociais, sobre todo en partidas como a de asistencia e axuda no fogar, sen ter que subir os impostos que pagan os nosos veciños e as empresas".

No apartado de investimentos, destacan os traballos de mellora e acondicionamento do campo de fútbol de Oros (502.530 euros); as obras na cuberta da piscina municipal (210.475 euros); o abastecemento de auga e saneamento en Piñeirón, parroquia de Gándara (210.586 euros); a ampliación da rede de abastecemento de auga nas parroquias (87.034 euros), e as melloras na rede viaria (400.000 euros).

Na defensa dos orzamentos, que saíron adiante sen ningún voto en contra, o portavoz do grupo municipal do PSdeG, Antonio Leira, destacou que "as contas deste ano son realistas e responsables, temos que estar moi satisfeitos pola subida dos investimentos nun momento de tantas restricións por parte do Goberno central".



Principais investimentos en 2018

€ 210.586 Abastecemento de auga e saneamento en Piñeirón-Gándara

€ 502.530 Traballo de mellora no campo de fútbol de Oros

€ 87.034 Ampliación da rede de abastecemento de auga nas parroquias

€ 210.475 Obras na cuberta da piscina municipal

€ 400.000 Diferentes melloras na rede viaria do municipio

"Baixan os gastos e os pasivos financeiros, os gastos de persoal só supoñen un 21% no Concello de Oros e poñemos en marcha bonificacións fiscais para atraer novos investimentos empresariais, sempre e cando xeren emprego", engadiu Mirás durante o pleno extraordinario.

Con respecto os orzamentos do ano pasado, o aumento é do 11,59%, "e temos agora mesmo un nivel de débeda moi baixo, o que nos permitirá mellorar nos próximos meses as instalacións e os servizos que merecen todos os veciños e veciñas do Concello Oros", rematou o alcalde.

Protección Civil de Oros: 24 horas ao día ao servizo dos veciños para calquera emergencia



As 25 persoas que forman parte da agrupación de Protección Civil no Concello de Oros traballan as 24 horas do día e os 365 días do ano ao servizo dos veciños e veciñas do municipio, tal e como reflicten os datos da súa actividade nos últimos meses.

As tres grandes liñas de actuación de Protección Civil son a protección cidadá, a atención das emerxencias do 112 e atender as necesidades do concello. No ano 2017, houbo dous tipos de incidencias de especial importancia, as derivadas dos incendios forestais e das velutinas.

Protección Civil de Oros prestou os seus servizos en 2017 en máis de vinte incendios forestais, en colaboración coa Xunta de Galicia. A agrupación axudou aos veciños afectados e tamén realizou funcións de loxística en concellos colindantes.



complicada e arriscada). A colaboración dos veciños foi fundamental.

Desde o Concello realizouse unha campaña preventiva coa instalación de trampas en puntos estratégicos e sensibles de Oros, co criterio de protexer as zonas nas que se concentra ou polas que pasa unha maior cantidade de poboación. Por iso, púxose especial atención nas contornas dos parques infantís, dos colexios, das garderías, do centro de saúde e en zonas verdes.



Por outra parte, a Agrupación de Voluntarios de Protección Civil de Oros retirou uns 160 niños de avespa velutina por todo o municipio o ano pasado. Os traballos fixérонse en tres etapas: trameo, retirada de niños primarios e retirada de niños secundarios (esta última é a máis

Asistencia sanitaria, limpeza e seguridade nos eventos



As funcións de Protección Civil de Oros son moi variadas e inclúen a asistencia nas emerxencias do 112, como accidentes de tráfico, laborais e domésticos. Tamén cortes de estrada, sinalizacións e recollida de animais para comprobación de microchip.

As persoas que forman parte da agrupación teñen todas formación e son tituladas pola Axencia Galega de Seguridade Pública (Agasp). Desta forma, teñen capacidade para facer unha asistencia sanitaria primaria.

Protección Civil fai tamén o seu traballo en procesións, colabora coas funerarias nos enterros e fai labores de prevención e seguridade en eventos de grandes aglomeracións: carreira pedestre, probas ciclistas, gala do deporte, torneos de fútbol, festa da troita, cabalgata de reis ou mercado de nadal, entre outros.

Tamén colabora en eventos dos centros de ensino, nas recollidas de alimentos tanto en supermercados

como no colexio público, en limpeza viaria, inundacións, retirada de árbores caídos ou conservación do mobiliario público.

O Concello de Oros organiza ou facilita a asistencia do persoal de Protección Civil a cursos de formación continua para mellorar o seu traballo cun único obxectivo: dar servizo de forma ágil e eficiente aos veciños que o demandan.

Como mostra da diversidade de actividades que desenvolven, os voluntarios e voluntarias de Protección Civil colaboraron o ano pasado en campañas como 'Eu si que fago', na que informaban a cada propietario de can da existencia da iniciativa, entregábanlle un díptico informativo e explicábanlle o sinxelo funcionamento do ecopoop.

Tamén están presentes en iniciativas de promoción turística, xa que acompañaron por exemplo o ano pasado aos participantes no roteiro de dez quilómetros polo Camiño Inglés ao seu paso por Oros.

Oros Informa, un novo servizo municipal



O Concello de Oros acaba de poñer en marcha un novo servizo para os veciños e veciñas do municipio. 'Oros Informa' substitúe a Liña Verde e todos os anuncios, os bandos e a información de interese chegará aos teléfonos móbiles da cidadanía.

Todas as persoas que teñan un móvil Android ou iOS (iPhone) poden descargar a aplicación dunha forma sinxela, tal e como explicou o alcalde de Oros, Manuel Mirás, no bando emitido o pasado 13 de febreiro. Os veciños que non teñan unha terminal compatible, poden consultar toda a información municipal desde unha páxina web adaptada a teléfonos móbiles: www.bandomovil.com/oroso.

O concello pide a todos os veciños que usaban Liña Verde que pasen a esta nova aplicación, xa que ten mellores prestacións e será o canal utilizado para todas as comunicacións municipais.

Actos polo Día da Muller Traballadora

O Concello de Oros organiza diferentes actividades con motivo do 8 de marzo, Día Internacional da Muller. Pola mañá, haberá actividades para os centros de ensino, e xa pola tarde unha homenaxe ás mulleres empresarias de Oros, a entrega de premios do concurso de fotografía e actuacións musicais. Tedes máis información do programa na web e no Facebook do Concello.